

საქართველოს თავდაცვის სამინისტროს მიერ 2017 წლის სახელმწიფო ბიუჯეტის დაფინანსების ფარგლებში
ელექტრონული ტენდერის საშუალებით (აუქციონის გარეშე) სპეციალური ტანსაცმლის და
აქსესუარების (CPV-18400000): ტექტიკური ხელთათმანების (CPV-18424000) შესყიდვის
(2000 ცალი – კოდი 29 01) (2300 ცალი – კოდი 29 06) 4676
ოქმი N1

ქ. თბილისი

„16“ „~~ფებრუარი~~“ 2016 წელი

სატენდერო კომისიის და აპარატის წევრები:

- ა) მამელი ქობალია – სატენდერო კომისიის თავმჯდომარის მოადგილე, საქართველოს თავდაცვის სამინისტროს სახელმწიფო შესყიდვების დეპარტამენტის უფროსის მოვალეობის შემსრულებელი;
- ბ) თეა ხარაზიშვილი – სატენდერო კომისიის წევრი, საქართველოს თავდაცვის სამინისტროს ფინანსების მართვის დეპარტამენტის უფროსის მოვალეობის შემსრულებელი;
- გ) მირზა დევიძე – სატენდერო კომისიის წევრი, საქართველოს თავდაცვის სამინისტროს იურიდიული დეპარტამენტის უფროსის მოადგილის მოვალეობის შემსრულებელი;
- დ) პოლკოვნიკი იოსებ ლოლაძე – სატენდერო კომისიის წევრი, საქართველოს თავდაცვის სამინისტროს ჯარების ლოგისტიკური უზრუნველყოფის სარდლის მოვალეობის შემსრულებელი;
- ე) პოლკოვნიკი მამუკა ცხვედიანი – სატენდერო კომისიის წევრი, საქართველოს შეიარაღებული ძალების გენერალური შტაბის J-4/8 ლოგისტიკისა და რესურსების დაგეგმვის დეპარტამენტის უფროსი;
- ვ) თენგიზ ნასარიძე – საქართველოს თავდაცვის სამინისტროს სახელმწიფო შესყიდვების დეპარტამენტის უფროსის მოადგილე;
- ზ) ვიცე-პოლკოვნიკი კახაბერ ფარჩუკაშვილი – სატენდერო კომისიის წევრი, საქართველოს თავდაცვის სამინისტროს ფინანსების მართვის დეპარტამენტის ხარისხის კონტროლის სამმართველოს უფროსის მოადგილე;
- თ) გიორგი ხაინდრავა – სატენდერო კომისიის წევრი, საქართველოს თავდაცვის სამინისტროს სახელმწიფო შესყიდვების დეპარტამენტის ელექტრონული შესყიდვების სამმართველოს უფროსი;
- ი) გიორგი იაგორაშვილი – სატენდერო კომისიის აპარატის წევრი, სხდომის მდივანი, საქართველოს თავდაცვის სამინისტროს სახელმწიფო შესყიდვების დეპარტამენტის ელექტრონული შესყიდვების სამმართველოს მთავარი სპეციალისტი.

დღის წესრიგი:

საქართველოს თავდაცვის სამინისტროს მიერ, სპეციალური ტანსაცმლის და აქსესუარების (CPV-18400000): ხელთათმანების (CPV-18424000) შესყიდვის მიზნით, გამოსაცხადებელი ელექტრონული ტენდერის (აუქციონის გარეშე) სატენდერო დოკუმენტაციის განხილვა და დამტკიცება.

მოისმინეს:

სატენდერო კომისიას სატენდერო კომისიის აპარატმა წარუდგინა საქართველოს შეიარაღებული ძალების გენერალური შტაბის J-4/8 ლოგისტიკისა და რესურსების დაგეგმვის დეპარტამენტის 2016 წლის 19 ნოემბრის N1094841 და 2016 წლის 5 დეკემბრის N1147735 წერილები და აღნიშნული წერილებით წარმოდგენილი ინფორმაცია საქონლის, მისი ტექნიკური პარამეტრების, განზომილებისა და რაოდენობის შესახებ ასევე სატენდერო კომისიის აპარატის მიერ ჩატარებული ბაზრის კვლევა.

სატენდერო კომისიამ იმსჯელა წარმოდგენილი ინფორმაცია/დოკუმენტების შესახებ და სხდომაზე აღინიშნა, რომ სატენდერო დოკუმენტაციის ტექნიკური პირობები უნდა ჩამოყალიბდეს შემდეგი სახით:

1. საკვალიფიკაციო მონაცემების დამადასტურებელი დოკუმენტები

„ გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის მე-4 პუნქტის თანახმად საკვალიფიკაციო მონაცემების დამადასტურებელი დოკუმენტების წარმოდგენა არ მოითხოვება (კონკრეტული შესყიდვის თავისებურება- შესყიდვის სავარაუდო ღირებულება).

2. ტექნიკური პირობები

2.1. ტექტიკური ხელთათმანი 4300 (ოთხიათასამასი) წყვილი, სატენდერო დოკუმენტაციის ცხრილი N1-ს შესაბამისად:

ცხრილი N1				
N	დასახელება	მახასიათებლები	განზ. ერთ.	რ-ბა
1	ტექტიკური ხელთათმანი	მწვანე ან უდაბნოსფერი (ყავისფერი), ზედა მხარეს ჩაკერებული აქვს ცეცხლის ალისგან დამცავი ნაჭერი, ქვედა მხარეს ჩაკერებული აქვს დამუშავებული ნატურალური ტყავი; ხუთ თითიანი; მაღალი სამკლავური (იხილეთ ფოტონიმუში), მაჯასთან მოსარგები რეზინით, ქსოვილი უნდა შეიცავდეს როგორც მეტა არამიდს, ასევე პარა არამიდს, ასევე ქსოვილი არ უნდა განიცდიდეს ლღობას/დეგრადაციას 300°C-ს ჩათვლით.	წყვილი	4300

2.1.1. სატენდერო წინადადების წარმოდგენით, პრეტენდენტი ადასტურებს, რომ მის მიერ შემოთავაზებული საქონელი იქნება სატენდერო დოკუმენტაციის ცხრილი N1-თ განსაზღვრულ მახასიათებლებთან და პირობებთან შესაბამისი, აღნიშნულის გათვალისწინებით პრეტენდენტის მიერ არ არის სავალდებულო შესყიდვის ობიექტის აღწერილობის წარმოდგენა.

2.2. ტექნიკური დავალება

2.2.1 პრეტენდენტის მიერ შემოთავაზებული საქონლის მწარმოებელი ქვეყნის, ფაქტობრივი და მოდელის დასახელების (მოდელის არ არსებობის შემთხვევაში პრეტენდენტმა უნდა წარმოადგინოს ინფორმაცია მოდელის არ არსებობის შესახებ) მიუთითებლობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურის გარეშე. ასევე, პრეტენდენტის მიერ დაზუსტებული სატენდერო წინადადების წარმოდგენის შემდგომ შემოთავაზებული საქონლის მწარმოებელი ქვეყნის, ფაქტობრივი და მოდელის (ასეთის არსებობის შემთხვევაში) დასახელების ცვლილება გამოიწვევს პრეტენდენტის დისკვალიფიკაციას.

2.2.2 ყველაზე დაბალი ფასის წარმომდგენმა პრეტენდენტმა, შემსყიდველის მოთხოვნიდან 5 (ხუთი) სამუშაო დღის განმავლობაში, საქართველოს თავდაცვის სამინისტროში (მისამართი: ქ. თბილისი, გენერალ გ. კვინიტაძის N20) უნდა წარმოადგინოს:

- ხელთათმანის ერთი წყვილი ნიმუში.
- ქსოვილის (ნაჭერი) ნიმუში, რომლისგანაც შეიკერება ხელთათმანი.

2.2.3 ქსოვილს უნდა მოჰყვებოდეს ლაბორატორიული დასკვნის დედანი (დოკუმენტების უცხოურ ენაზე წარმოდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე), რომლითაც უნდა დასტურდებოდეს ქსოვილის (ნაჭერი) შესაბამისობა შემსყიდველის მიერ მოთხოვნილ ნორმებთან, კერძოდ:

- ქსოვილი შეიცავს როგორც მეტა არამიდს, ასევე პარა არამიდს;
- ქსოვილი არ განიცდის ლღობას/დეგრადაციას 300°C-ის ჩათვლით.

დასკვნა გაცემული უნდა იყოს უშუალოდ პრეტენდენტი კომპანიის სახელზე ქვემოთ ჩამოთვლილი ერთ-ერთი საექსპერტო დაწესებულების ან ლაბორატორიის მიერ:

- სსიპ „ლეგან სამხარაულის სახელობის სასამართლო ექსპერტიზის ეროვნული ბიურო“;
- საქართველოში აკრედიტებული ლაბორატორია;
- SGS;
- INTERTEK;
- ევროკავშირის ქვეყნის სერთიფიცირებული ლაბორატორია;

2.2.4 ტექნიკური დავალების 2.2.2. და 2.2.3. ქვეპუნქტებით გათვალისწინებული ვალდებულება ვრცელდება ელექტრონული ვაჭრობის შედეგად ყველაზე დაბალი ფასის წარმომდგენ პრეტენდენტზე, ხოლო, ასეთის დისკვალიფიკაციის შემთხვევაში, ყველაზე დაბალი ფასის წარმომდგენ ყოველ შემდგომ პრეტენდენტზე.

2.2.5. კონტროლი (მათ შორის ლაბორატორიული შემოწმება) ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

2.2.6. საქონლის ვარგისიანობის ვადა უნდა შეადგენდეს არანაკლებ 12 (თორმეტი) თვეს, საგარანტიო ვადის ათვლა მოხდება საქონლის მიღება-ჩაბარების აქტის გაფორმების დღიდან;

2.2.7. ამ ხელშეკრულებით განსაზღვრული საგარანტიო ვადის განმავლობაში, შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ წუნის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ გონივრულ ვადაში მოახდინოს წუნდებული ნივთის შეცვლა ახლით. თუ მიმწოდებელი დადგენილ ვადაში არ შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5 სამუშაო დღის განმავლობაში.

2.2.8. საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

2.2.9. საქონლის წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

2.2.10. მოწოდებული პროდუქცია უნდა იყოს სრულიად ახალი;

2.3 მიწოდების პირობები და ვადები:

2.3.1. საქონლის მიწოდება უნდა განხორციელდეს ხელშეკრულების გაფორმებიდან 90 კალენდარული დღის განმავლობაში (ეტაპობრივი მიწოდება დასაშვებია);

2.3.2. მიწოდების ადგილი: ქ. თბილისი ან/და დაბა ვაზიანი (შემსყიდველის მიერ დასახელებულ მისამართზე).

2.4. ანგარიშსწორების პირობები:

2.4.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 20 სამუშაო დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

2.4.2. ანგარიშსწორების ვალუტა: ლარი.

2.4.3. ანგარიშსწორების ფორმა: უნაღდო.

2.4.4. შემსყიდველი განახორციელებს წინასწარ ანგარიშსწორებას (ავანსი), მიმწოდებლის მიერ საბანკო დაწესებულების მიერ გაცემული საბანკო გარანტიის წარმოდგენის საფუძველზე, საბანკო გარანტიის შესაბამისი თანხის ოდენობით, მაგრამ არა უმეტეს ხელშეკრულების ჯამური ღირებულების 50% პროცენტისა.

2.4.5. მიმწოდებლის მიერ წარმოდგენილი საბანკო დაწესებულების მიერ გაცემული საბანკო გარანტია უნდა შეესაბამებოდეს შემსყიდველის მოთხოვნებს და მისი მოქმედების ვადა ხელშეკრულების მოქმედების ვადას არანაკლებ 30 დღით უნდა აღემატებოდეს.

2.4.6. წინასწარ (ავანსად) გადარიცხული თანხის დაქვითვა მოხდება ეტაპობრივად, კერძოდ, მიმწოდებელს მიწოდებული საქონლის ღირებულებიდან დაუკავდება თანხის ის პროცენტული ოდენობა, რამდენი პროცენტიც აქვს მიღებული ავანსად ხელშეკრულების ღირებულების ჯამური ოდენობიდან;

2.4.7. თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შესრულებული ვალდებულების ნაწილში) მოქმედების ვადა შესაძლებელია ვადამდე შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში.

2.5. სატენდერო წინადადების ფასი:

2.5.1. სატენდერო წინადადებაში საერთო და ერთეულის ფასი გამოსახული უნდა იყოს ლარში, საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით, დამატებული ღირებულების გადასახადის (დღგ-ს) გარეშე.

2.5.2. თუ ხელშეკრულების გაფორმების მომენტისთვის გამარჯვებული პრეტენდენტი იქნება დარეგისტრირებული დღგ-ს გადამხდელად, ხელშეკრულების გაფორმებისას აღნიშნული საქონლის ღირებულებას დაემატება დამატებითი ღირებულების გადასახადი (18%).

2.6. პრეტენდენტის მიერ შემოთავაზებული ფასი და ხელშეკრულების შესრულების უზრუნველყოფის გარანტია:

2.6.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 3 (სამი) სამუშაო დღე. ფასწარმოქმნის ადეკვატურობის დასაბუთება უნდა მოხდეს პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით) ან/და ექსპერტიზის დასკვნით, ან/და შესაბამის სფეროში საქართველოს კანონმდებლობით განსაზღვრული უფლებამოსილების/ აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ამასთან, ფასწარმოქმნის ადეკვატურობის დასაბუთების წარუდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი; პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.7. სატენდერო დოკუმენტაციასთან დაკავშირებული დამატებით ინფორმაცია და განმარტებები შეგიძლიათ მიიღოთ შემდეგი საკონტაქტო პირ(ებ)ისგან: ქ. თბილისი, საქართველოს თავდაცვის სამინისტრო, გენ. გ. კვინიტაძის ქ. N20. სატენდერო კომისიის აპარატი: გიორგი იაგორაშვილი (ელ. ფოსტა: giagorashvili@mod.gov.ge), ტელ: +995 322 91 03 54/ 5 99 922 528.

3. სატენდერო წინადადებასთან ერთად სისტემის მეშვეობით უნდა წარმოდგინოს შემდეგი ინფორმაცია/დოკუმენტები*:

3.1. რეკვიზიტები დანართი N1-ის შესაბამისად;

3.2. ინფორმაცია მისაწოდებელი საქონლის მწარმოებელი ფირმის, ქვეყნისა და მოდელის შესახებ (მოდელის არ არსებობის შემთხვევაში პრეტენდენტმა უნდა წარმოადგინოს ინფორმაცია მოდელის არ არსებობის შესახებ).

* შენიშვნა: დოკუმენტების წარდგენა შესაძლებელია როგორც ქართულ, ისე უცხოურ ენებზე. დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით (ნოტარიული დამოწმება) შესრულებული თარგმანები ქართულ ენაზე.

კომისიამ დაადგინა:

1. სატენდერო დოკუმენტაცია დამტკიცდეს წარმოდგენილი სახით.

2. სატენდერო დოკუმენტაციით წარმოდგენილი სპეციალური ტანსაცმლის და აქსესუარების (CPV-18400000); ხელთათმანების (CPV-18424000) შესყიდვის სავარაუდო ღირებულებად განისაზღვროს 83,813 ლარი დღგ-ს გარეშე;

3. სატენდერო წინადადების ფასის კლების ბიჯი შეადგენს შესყიდვის სავარაუდო ღირებულების 0.4%-ს.

4. სატენდერო კომისიის აპარატმა „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად, უზრუნველყოს სატენდერო დოკუმენტაციის ატვირთვა სახელმწიფო შესყიდვების ერთიან ელექტრონულ სისტემაში.

სატენდერო კომისიის
თავმჯდომარის მოადგილე


მამელი ქობალია

თეა ხარაიშვილი

სატენდერო კომისიის წევრი

სატენდერო კომისიის წევრი


მირზა დევიძე


სატენდერო კომისიის წევრი

ახ. ესნოებოძა.
პოლკოვნიკი
იოსებ ლოლაძე

სატენდერო კომისიის წევრი

პოლკოვნიკი
მამუკა ცხვედიანი

სატენდერო კომისიის წევრი


თენგიზ ნასარიძე

სატენდერო კომისიის წევრი

ვიცე-პოლკოვნიკი
კახაბერ ფარჩუკაშვილი

სატენდერო კომისიის წევრი

გიორგი ხაინდრავა

სატენდერო კომისიის აპარატის წევრი


გიორგი იაგორაშვილი